

書名 唐詩品彙九十卷拾遺十卷 嘉靖
 十六年序刊本
 撰者 明 高棟 輯
 卷 卷九十
 內容分類 集-總集-各代-唐
 索書號 集部-總集-35
 編號 D7841100

卷九十

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本全文影像資料庫 索書號: 集部-總集-35

漢籍善本全文影像資料庫文本 唐詩品彙九十卷拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙拾遺卷之一

五言古詩上

太宗皇帝 五首

帝京篇 三首

新寧高棟編

白日雙闕昏迴輿九重暮長煙散初暝皎月澄輕素
 帳翫琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

唐詩品彙卷之九

唐詩品彙九十卷

餘響二

崔魯一首

春晚岳陽言懷

煙花零落過清明
異國光陰老客情
雲夢夕陽愁裏
色洞庭春浪坐來聲
天涯一與舊山別
江上幾看芳草生
獨倚闌干意難寫
暮笳鳴咽起孤城

崔塗一首

過繡嶺宮在驪山

古殿春殘綠野陰
上皇曾此駐泥金
三城帳屬昇平
夢一曲鈴關
悵望心苑路
暗迷香輦絕
繚垣秋斷草



唐詩品彙

煙深前朝舊物東流在猶為年年下翠岑

鄭谷 三首

鶻鴟谷以此詩得名
時號為鄭鶻鴟

暖戲平蕪錦翼齊品流應得近山鷄
雨昏青草湖邊過花落黃陵廟裏啼
遊子乍聞征袖濕佳人纔唱翠眉低
相呼相喚湘江曲苦竹叢深春日西

少華甘露寺

石門蘿逕與天隣雨檜風篁遠近聞
飲澗鹿喧雙派水上樓僧踏一梯
雲孤煙暮薄關城沒遠色初晴渭
曲分長欲燃燈來此宿北林猿鶴舊同群

渚宮亂後作

鄉人來話亂離情淚滿殘陽問楚荆
白社已應無故老清江依舊遶孤城
高秋軍旅齊山樹昔日漁家盡野營
牢落故園征戰後黃花綠萼上墻生

韓偓 二首

避地寒食

避地淹留已自悲况逢寒食欲沾衣
殘春孤館人愁坐斜日空園花亂飛
路遠漸憂知己少時危又與賞心違
一名所繫無窮事爭敢當年便息機

春盡

惜春連日醉昏昏醒後衣衾見酒痕
細水浮花歸別澗斷雲含雨入孤村
人閑易得芳時恨地迫難招自

古意
古意慚愧流鶯相厚意
清晨猶為到西園

胡曾一首

交河塞卜曲

交河水薄日遲遲
漢將思家感別離
塞北草生蘇武泣
隴西雲起李陵悲
曉侵睥睨鳥先覺
春入關山鴈獨知
何處疲兵心最苦
夕陽樓上笛聲時

曹松三首

南海猿次

憶歸休上越王臺
歸思臨高不易裁
為客正當無雁處
故園誰道有書來
城頭早角吹霜盡
郭外殘潮帶月迴
心似百花開未得
年年爭發被春催

陪湖南李中丞璋宴隱溪

竹林啼鳥不知休
羅列飛橋水亂流
觸散柳絲迴玉勒
約開蓮葉上蘭舟
酒邊舊侶真何遜
雲裏新聲是莫愁
若值主人媿晝短
應陪秉燭夜深遊

江西逢僧省文

高僧不負雪峰期
却伴青霞入翠微
七葉集作百葉岩前霜欲降
九枝松上鶴初歸
風生碧澗魚龍躍
威振金樓燕雀飛
想得白蓮花上月
滿山猶帶舊光輝

吳融五首

太保中書令軍前新樓

十二闌干壓錦城
半空人語落灘聲
風流近接平津

閣氣色高含細柳營盡日含簾江草綠有時歌枕雪
峰情不知奉詔朝天後誰此登臨看月明

秋日經別墅

別墅蕭條海上村偶期蘭菊與琴尊擔橫碧嶂秋光
近樹帶寒朝晚色昏幸有白雲眠楚客不勞芳草思
王孫北山移去前文在無復教人嘆曉猿

金橋感事

洛陽

太行和雪疊晴空二月郊原尚朔風飲馬早聞臨渭
北射鵬今欲過關東百年徒有伊川嘆五利寧無魏
絳功日暮長亭政愁絕悲笳一曲戍煙中

彭門用兵後經汴路即徐州也咸通末龐勳反徐州為康承訓

破所

長亭一望一徘徊千里關河百戰來細柳舊營猶鎖
月祁連新塚已封苔霜飛綠野愁無際燒接黃雲慘
不開若比江南更牢落子山詞賦莫興哀

廢宅

風飄碧瓦雨摧垣却有隣人為鎖門幾樹好花閑白
晝滿庭芳草易黃昏放魚池涸蛙爭鬧柰燕梁空雀
自喧不獨淒涼眼前事咸陽一火便成原

常莊七首

北原閒眺

春城回首樹重重立馬平原夕照中五鳳灰殘金翠

滅六龍遊去市朝空千年王氣浮清洛萬古坤靈鎮
碧嵩欲問向來陵谷寺野桃無語笑東風

寄從兄遵

江上秋風正釣鱸九重天子夢翹車不將高卧邀劉
主自吐清談護漢儲滄海十年龍影斷碧雲千里鴈
行疎相逢莫語歸山計明日東封待直廬

贈邊將

昔因征遠向金微馬出榆關一鳥飛萬里只攜孤劍
去十年空逐塞鴻歸手招都護新降虜身著文皇舊
賜衣只待烟塵報天子滿頭霜雪為兵機

新正日商南道中作寄李明府

相看又見歲華新依舊楊朱拭淚巾踏雪偶因尋戴
客論文還比聚星人嵩山不改千年色洛水長生一
路塵今日與君同避世却憐無事是家貧

柳谷道中作却寄

馬前紅葉正紛紛馬上離情欲斷魂曉發獨辭殘月
店莫程遙宿隔雲村心如岳色留秦地夢逐河聲出
禹門莫怪苦吟鞭拂地有誰傾蓋待王孫

嫠女屏居蒙右省王拾遺枉車降訪病中

延欸不得因成寄謝

三年流落卧漳濱王粲思家拭淚頻寒角莫吹殘月
夜病心方憶故園春自為江上樵蘇客不識天邊侍

從臣怪得白鷗驚去盡綠蘿門外有朱輪

憶昔

昔年曾向五陵遊午夜清謔月滿樓銀燭樹前長似
晝露桃花下不知秋西園公子名無忌南國佳人字
莫愁今日亂離俱是夢夕陽唯見水東流

張泌 四首

題華嚴寺木塔

六街晴色動秋光雨霽憑高只自傷一曲晚煙浮渭
水半橋斜日照咸陽休將世路悲塵事莫指雲山認
故鄉回首漢宮樓閣莫數聲鐘鼓自微茫

邊上

戍樓吹角起征鴻獵獵寒旌背晚風千里暮煙愁不
盡一川秋草思無窮山河慘淡關城閉人物蕭條市
井空只此旅魂招不得更堪回首夕陽中

晚次湘源縣

煙郭遙聞向晚雞水平舟靜浪聲齊高林帶雨揚梅
熟曲岫籠雲謝豹啼二女廟荒汀樹老九疑山碧楚
天低湘南自古多離怨莫動哀吟易慘悽

晚秋過洞庭

征帆高掛酒初酣暮景離情兩不堪千里晚霞雲夢
北一州霜橘洞庭南溪風送雨過秋寺磧石驚泉落
夜潭莫把羈魂吊湘魄九疑愁絕鎖煙嵐

原匡圖 一首

九日陪董內召登高

祝融峰下逢嘉節相對那能不愴神烟裏共尋幽磧
菊樽前俱是異鄉人遥山帶日應連越孤雁來時想
別秦自古登高盡惆悵茱萸休笑淚盈巾

傍流

有姓氏無字里世次可考者六人

盧宗回

登長安慈恩寺塔

東方曉日上翔鸞西轉蒼龍拂露盤渭水寒光搖藻
井玉峰晴色上朱闌九重宮闕參差見百二山河表

裏觀暫輟去蓬悲不定一凭金界望長安

許玫 一首

題鴈塔

寶輪金地壓人寰獨坐蒼冥啓玉闕北嶺風煙開魏
闕南軒氣象鎖商山灞陵車馬垂楊裏京國城池落
照間暫放塵心遊物外六街鍾鼓又催還

蘇廣文 一首

夜歸華山因寄幙府

山村寥落野人稀竹裏衡門掩翠微溪渡夜隨明月
入亭臯春伴白雲飛一作嵇康懶慢仍耽酒范蠡通
歸逃又拂衣汀伴數鷗閑不起只應知我已忘機

陳標 一首

飲馬長城窟

日日風吹虜騎塵
年年飲馬漢宮人
千堆戰骨那知
主萬里枯沙不辨春
浴谷氣寒愁墜指
斷崖冰滑恐傷神
金鞍玉勒無顏色
淡滿征衣怨暴秦

秦王卷衣

秦家漢闕靄春煙
珠樹瓊枝近碧天
御氣馨香蘇合
焙蕉光浮動水精懸
霏微羅縠隨芳袖
宛轉鮫綃逐寶筵
從此咸陽一回首
暮雲愁色已千年

譚用之 一首

秋宿湘江遇雨

江上陰雲鎖夢魂
江邊深夜舞鉤琨
秋風萬里芙蓉
國暮雨千家靜
蒹葭村鄉思不堪悲
橘柚旌遊誰肯重
王孫漁人相見不相問
長笛一聲歸島門

胡宿 四首

津亭

津亭欲闕門開貌戒棠舟五兩
風來不暫留
西北浮雲連魏闕
東南初日滿秦樓
層城渺渺人傷別
芳草萋萋客倦遊
平樂舊歡收不得
更憑飛夢到瀛洲

古別

長道何年襍較休
風帆不斷岳陽樓
佳人挾瑟漳河
曉壯士悲哥易水
秋九帳清油徒自負
百壺芳醕豈

消憂至今長樂坡前水不啻秦人怨隴頭

塞上

漢家神箭定天山煙火相望萬里間契利請盟金七
酒將軍歸卧玉門閑雲沉老上單于名妖氛斷雪照回
中地名探騎閑五餌已行王道勝絕無刁斗至闌顏

寄昭潭王中立

高絃一弄武陵深六幘天空萬里心吳苑訶驪成久
別楚峰回鴈好題音十千美酒花期隔三百枯棋奕
思沉博奕論枯棋三百莫上孤城頻送目浮雲西北是家林

韓喜一首

水

方圓不定性空求東注滄溟早晚休高截碧塘長耿
耿遠飛青嶂更悠悠瀟湘月浸千年色夢澤烟含萬
古愁別有隴頭嗚咽處為君分作斷腸流

姓氏疑誤者二人

僧處一首

題黃公陶翰別業

文苑英華作處一詩元遺山鼓吹集作蘇廣文

自商山宿陶令隱居詩

聞說花園堪避秦幽尋數月不逢人煙霞洞裏無雞
大風雨林間有鬼神黃公石上三芝秀陶令門前五
柳春醉卧白雲閑入夢不知何物是吾身

即士元一首

入唐詩九卷

馮翊西樓

或作卽士元詩按
文苑英華無名氏

城上西樓倚暮天。樓中歸望正凄然。近郭亂山橫古
渡。野莊喬木帶新烟。北風吹鴈聲能苦。遠客辭家月
再圓。陶令好文常對酒。相招一和白雲篇。

羽士一人曹唐

十二首

三年冬大禮

皇帝齋心潔素誠。自朝真祖報升平。華山秋草多歸
馬。滄海寒波絕洗兵。銀箭水殘河影斷。玉爐烟盡月
華生。千官整肅三天夜。劔珮初聞入太清。

其二

海日西飛渡禁林。太清宮殿月沉沉。不聞北斗傾堯

酒空覺南薰入舜琴。詞賦鈞天閒夢盡。詔歸秋水道
情深。雪風更起古杉葉。時送步虛清磬音。

其三

太乙天壇降太君。厲車龍鶴夜成群。春浮玉藻寒初
落。露拂金莖曙欲分。三代樂回風入律。四溟歌駐水
成文。千官不動旌旗下。日照南山萬樹雲。

其四

山擁飛雲海水清。天壇未夕仗先成。千官不起金騰
議。萬國空瞻玉藻聲。禁火曙然香焰裊。宮衣寒拂雪
花輕。側聞左右皆周呂。看取從容致太平。

漢武帝將候西王母下降

昆侖疑想最高峰王母來尋五色龍
訝聽紫鸞猶縹緲語來青鳥許從容
風迴水落三清月漏苦霜傳五夜
鐘樹影悠悠花悄悄若聞簫管是行蹤

漢武帝於宮中燕西王母

螭岫雲低太一壇武皇齋潔不勝歡
長生碧宇期親署延壽丹泉許細看
劔佩有聲宮樹靜星河無影禁花寒
秋風裊裊月朗朗玉女清詞一夜闌

漢武帝思李夫人

惆悵朱顏不復歸晚秋黃葉滿天飛
迎風細荇傳香粉隔水殘霞見畫衣
白玉帳寒鴛夢絕紫陽宮遠鴈書稀
夜深池上蘭撓歇斷續詞聲接太微

仙子洞中有懷劉阮

不將清瑟理霓裳塵慶那知鶴夢長
洞裏有天春寂寂人間無路月茫茫
玉沙瑤草連溪碧流水桃花滿澗香
曉露風灯易零落此生無處問劉郎

劉阮再到天台不復見仙子

再到天台訪玉真青苔白石已成塵
笙詞寂寞閑深洞雲鶴蕭條絕舊隣
草樹總非前度色煙霞不似往年春
桃花流水依然在不見當時勸酒人

萼綠華將歸九疑留別許真人

九點秋烟黛色空綠華歸思頗無窮
每悲馭鶴身難住長恨臨霞語未終
河影暗吹雲夢月花聲閑落洞

庭風藍絲重勒金條脫留與人間許侍中

送劉尊師祇詔闕庭

海風葉葉駕霓旌天路悠悠接上清錦誥淒涼遺去
恨玉簫哀絕醉離情五湖夜月幡幢濕雙闕清風劍
佩輕莫道暫辭華表柱便應千載是歸程

衲子七人

皎然 六首

送皇甫侍御曾還丹陽別業

雲陽夜別憶春畊花發菱湖問去程積水悠揚何處
夢亂山稠疊此時情將離有月教絃斷贈送無蘭覺
意輕朝右要君持漢典明年北墅可須營

題周諫別業

有寺與周生所居俱臨茗水

隱身岩上欲如何不著青袍愛綠蘿柳巷任疎容馬
入水籬從破許船過昂藏獨鶴閑心遠寂歷秋花野
意多若訪禪齋遙可見竹窓書幌共煙波

白蘋洲送洛陽李丞使還

蘋洲北望楚山重千里迴輶止一封臨水情來還共
載看花醉去更相從罷官風渚何時別寄隱雲陽幾
處逢後會那應似疇昔年年覺老雪山容

春日杼山寄贈李員外

南山唯與北山隣一閉禪關老此身黃鶴有心多不
住白雲何事獨相親閑持竹錫行看水懶繫麻衣出



見人無限幽芳徒欲寄卽官那賞石門春

山居示靈徹上人

清明路出山初暖行踏春蕪看茗歸乍削柳枝聊待
札時窺雲影學裁衣身閑始覺隙名是心了方知苦
行非物外寂中誰似我松聲草色共忘機

晚春尋桃源觀

武陵何處訪仙鄉古觀雲根路已荒細草擁壇人跡
絕落花沉澗水流香山深有雨寒猶在松老無風韻
亦長全覺此身離俗境玄機亦可照迷方

靈一 三首

題東蘭若

上人禪室路徘徊萬木清陰向日開寒竹影侵行道
石天花香散誦經臺閑雲不繫從舒卷狎鳥無機任
往來更惜片陽談妙理歸時莫待暝鐘催

送明素上人歸楚觀省

能將踈懶替時人不厭孤洋任此身江上昔年同出
處天涯今日共風塵平湖舊隱應殘雪芳草歸心未
隔春前路倍隣多勝事到家知慶綵衣新

江行寄張舍人

客程終日風塵苦蓬轉還家未有期林色曉分殘雪
後角聲寒奏落帆時月高星使看遠雲破霜鴻欲
度遲流蕩此心難共說千峰澄霽隔瓊枝

靈徹 一首

冬送鑒供奉歸蜀寧親

林間山出定戀庭闈聖主恩深慙許歸
雙樹欲辭金錫冷四花猶向玉階飛
梁山佛洩分清境蜀雪和煙戀翠微
此去不須求綵服紫衣全勝老萊衣

清江

喜嚴侍御蜀還贈嚴秘書

往年分首出咸秦木落花開秋又春
江客不曾知蜀路旅魂何處訪情人
當時望月思文友今日迎驄見近臣
多羨二龍同漢代綉衣芸閣共榮親

贈淮西賈兵馬使

破虜功成百戰場夫書新拜漢中郎
映門旌旆春風起對客絃誦白日長
堦下鬪雞花乍發營南試馬柳初黃
白來吳楚多同調感激逢君共異鄉

登樓望月寄鳳翔李少尹

陌上涼風槐葉凋夕陽清露濕寒條
登樓望月楚山上月到樓南山獨遙
心送秦人超鳳闕目隨陽鴈極煙霄
軒車不重無名客此地誰能訪寂寥

法振 一首

張舍人南溪別業

新田繞屋半春畊藜杖閑門引客行
山翠自成微雨色溪花不隱亂泉聲
漁家遣到堪留興公府懸知欲

厭名入夜更宜明月滿
雙童喚出解吹笙

廣宣一首

聖恩碩問獨遊月
鐙閣直書應制

禪居河畔無多地
來往尋春物正華
磴道上盤千畝
竹闌干低數萬人
家簷前施食來飛
鳥林下行香踏
落花自解刹那知
佛性不勞更喻幾
塵沙

曇域一首

懷齊已上人

鬢髯秋景兩蒼蒼
靜對芳齋一炷香
病後身心俱寂
寞老來親友半凋
傷蛾眉山色侵雲
直巫峽灘聲入
夢長猶喜深交有
支遁時時音信到
松房

閔秀一人

鮑君微一首

東亭茶燕

閑朝向晚出簾櫳
茗燕東亭四望通
遠眺城池山色
裏俯聆絃管水聲
中幽篁引沼新抽
翠芳槿低簷欲
吐紅坐久此中無
限興更憐團扇起
清風

排律

七言排律唐人不多見如太白別山僧高適宿田家等作雖聯對精密而律調未純

崔融一首

從軍行

穹廬雜種亂金方
武將神兵下玉堂
天子旌旂過細

柳窗奴運數盡枯楊。闕頭落月橫西裔。塞下凝雲斷
北荒。漠漠邊塵飛衆鳥。昏昏朔氣聚群羊。依稀蜀杖
迷新竹。鬢髯胡床識故乘。臨海舊來聞驃騎。尋河本
自有中郎。坐看戟壁為平土。近待軍營作破羗。

僧清江一首

月夜有懷王端公兼簡朱孫二判官

月照疎林驚鵲飛。羈人此夜共無依。青門旅寓身空
老。白首頭陔力漸微。晏何曲池陪逸少。幾迴戎幙接
玄暉。四科弟子稱文學。五馬諸侯是綉衣。江鴈往來
曾不定。野雲搖曳本無機。脩行未盡身將盡。欲向東
山掩舊扉。

王建一首

送裴相公上太原

還携堂印向并州。將相兼權是武侯。時難獨當天下
事。功成却進手中籌。再三陳乞爐烟裏。前後分張玉
案頭。朱架早朝排立戟。綠槐殘雨看張油。遙知鴈塞
從今好。直到漁陽以北愁。邊鋪恐巡旂。盡換山城欲
過館。重脩千群白刃兵。迎節十對紅妝妓。打毬聖主
分明教。暫去不須高起見京樓。

温庭筠一首

秘書省有賀監知章草題詩。筆力迥徧風
尚高遠。拂塵尋玩因有此作。

越溪漁客賀知章任達憐才愛酒狂鷄鶩蒿花隨釣
艇蛤蜊菰葉夢橫塘幾年涼月拘華省一宿秋風憶
故鄉榮路脫身終自得福庭回首莫相忘出籠鸞鶴
歸遼海落筆龍蛇滿壞墻李白死來無醉客可憐神
彩弔殘陽

唐詩品彙九十卷



